

atau di pihak imam sama-sama membenci adanya Republik

Arab Bersatu di Yaman itu sehingga akibatnya nampak di Hijāz apabila orang Yaman melihat wajah orang Mesir timbul kebencian mereka kerana campur tangan pemerintah republik itu.

Ada ura-ura yang dianjurkan oleh kerajaan Sudan untuk mendamaikan di antara kedua itu supaya tentera-tentera asing yang berada di negeri Yaman itu dikeluarkan dan membentuk sebuah kerajaan sementara untuk mengadakan pungutan suara bagi membolehkan rakyat Yaman memilih pemerintahan Republik atau pemerintahan Imam. Menurut cadangan itu suruhanjaya itu hendaklah terdiri dari Sudan, Kuwait, Algeria dan Maghribi dan tentera-tentera dari empat negeri inilah yang akan diberi tugas mengawal keamanan di Yaman dalam masa peralihan hingga sebuah perlombagaan baru diadakan sesuai dengan hasil pungutan suara itu. Cadangan itu ditolak oleh Duta Besar Yaman di Khartoum kerana yang demikian bermakna cadangan itu merupakan suatu campur tangan dalam usaha negeri Yaman.

Berapa banyak perubahan-perubahan yang telah terjadi tidak dinyatakan dengan terang tetapi adalah sangat sulit bagi tentera-tentera Republik Arab Bersatu menghadapi gerila-gerila tentera Yaman di bawah Imam di dalam sebuah negeri yang kadang-kadang panasnya luar biasa dan tidak tertahan oleh orang-orang Mesir sendiri.

Perjanjian yang didapati di antara *Jalālah al- Malik Faysal al-Sa‘ūd* dengan Jamal Abdul Nasir ini tentunya diterima baik oleh semua pihak umat Islam yang bermakna bahawa perbuhan di antar sesama Islam itu telah terberhenti dan harap tujuan-tujuan daripada kedua-dua pihak itu akan dapat dikawal dan berhasil baik.

Jihad umat Islam atas Kashmir

Kashmir adalah sebuah negeri yang menjadi masalah sesudah pembahagian India dan Pakistan di bawah pemerintahan British dahulu di dalam mana penduduk yang lebih dari 90 peratus terdiri daripada orang-orang Islam terletak di bawah perintah seorang raja beragama hindu. Apabila persoalan Kashmir itu timbul maka kerajaan India dengan serta merta menguasai tempat itu sudah sesudah pengisytiharan kerajaan Pakistan tidak ada satu kekuatan pun untuk menentang kerajaan India di Kashmir kerana pada masa itu kerajaan Pakistan sibuk menyusun dan mengatur pelarian umat umat Islam dari kawasan India sehelai sepinggang kerana diperkosa oleh tentera-tentera India dan orang-orang Hindu.

Kita telah banyak menulis perkara-perkara Kashmir di dalam majalah ini oleh seorang yang cukup mengetahui selok-belok di Kashmir itu. Delapan belas tahun lamanya Kashmir hidup dibawah pendudukan tentera India. Bangsa-bangsa Bersatu dan fikiran-fikiran dunia telah tidak berjaya menjadikan Kashmir berkerajaan sendiri dengan jalan aman. Banyak pemimpin-pemimpin Kashmir telah ditangkap dan ditahan dan orang-orang Kashmir telah bersabar dan kesabaran mereka tentulah ada sempadannya.

Tentera-tentera India menumpah-menumpah dimasukkan ke Kashmir sehingga tiap-tiap lima orang Kashmiri ada seorang askar India. Melihat perkosaan yang sedemikian hebat kepada umat Islam di Kashmir ini maka mereka pun menubuhkan Lembaga *Revolutionary* dan mengadakan sebuah Kerajaan Bebas lalu mereka mengisytiharkan jihad kepada kerajaan India yang menindas di Kashmir begitu lama. Mereka telah mengadakan radio-radio yang sulit dan mengadakan perperangan gerila melawan